


觀佛三昧海經

卷七

百八十八
覆七

48648



元祿九年丙子二月日重脩

皇國環固 帝階綴昌

佛日增輝 懋輪崇轉

山城州天安寺法金副院置

佛說觀佛三昧海經卷第七

覆

東晉天竺三藏法師佛陀跋陀羅譯

觀四威儀品之餘

佛告阿難云何如來至曠野澤伏鬼大將我
從舍衛祇陀精舍放金色光照舍衛城令作
金色舍衛國內有一長者名曰財德長者有
子年始三歲父教其子令受三歸散胎鬼神
飢火所逼入舍衛城接取嬰兒今時嬰兒稱
南無佛以稱佛故鬼王口噤不能得食但眼
出火以怖嬰兒見鬼形狀醜惡曾有三
面齋有二面兩膝二面面如魚面狗牙上出
眼復出火火皆下流童子驚怖稱南無佛南

無法南無僧。今時世尊天耳遠聞，獨將阿難足步虛空。阿難在後，從佛不及。佛以神力化作寶華，其華光明，接取阿難。阿難坐華上，見閻浮提滿中化佛。一一化佛身滿三千大千世界。是諸化佛說三乘法，勸進菩薩修行。念佛阿難見聞，即憶過去九十億佛所說經藏。憶持不失。今時世尊到曠野澤，放眉間白毫大人相光。其光直照怖小兒身。小兒見光如見父母心，無驚懼。時曠野鬼舉一大石，厚十二丈，欲擲世尊。眼出雷電，雨雹如雨。一一雹下如赤雞子，從空而下。未至佛上，化成化佛。一一化佛入火光三昧。諸火光明燒曠野澤。

大地洞然鬼王不怖擲石住空化成寶臺臺
中復有百億化佛異口同音讚歎慈心思猶
不伏時金剛神手奮金杵揮大利劍鬚如劍
竦眼如電光以金剛杵擬鬼王額攘臂大叫
齊振大地鬼王驚怖抱持小兒長跪上佛白
言以門惟願慈愛救我生命時金剛神化金
剛杵為大鐵山四面火起繞鬼七匝猛火焰
熾焚燒鬼身嬰兒舉手勅鬼王言稱南無佛
我稱佛故從死得生汝今可稱南無諸佛尔
時鬼王驚怖失聲稱南無佛白言瞿曇可救
護我尔時世尊以梵音聲猶如慈父安慰諸
子撫慰鬼王亦復如是密迹金剛勅鬼王言

汝今速伏歸依佛法及與衆僧汝若不伏碎
汝眷屬萬億八千令如微塵時曠野鬼以驚
怖故五體投地爲佛作禮白佛言世尊我恒
噉人今者不殺當食何物佛勅鬼王汝但不
殺我勅弟子常施汝食乃至法滅以我力故
今汝飽滿鬼王聞已歡喜合掌受佛五戒受
佛五戒已見諸火山焰焰相次變成化佛滿
曠野澤皆是化佛一一佛後有一阿難一一
化佛異口同音皆說五戒時曠野鬼白金剛
神因大德故得服甘露無上法味時金剛神
擲杵空中佛神力故令金剛杵猶如百億金
須彌山一一須彌百億龕室一一龕室百億

化佛遊步經行是諸化佛舉足下足足下自然生七寶臺一一臺上恒沙化佛結跏趺坐佛告大王佛滅度後佛諸弟子欲知如來伏曠野鬼自在神通如是觀者名爲正觀若異觀者名爲邪觀佛滅度後若有衆生思是法者觀是法者得此想者除百千億劫生死之罪生生之處不受鬼身值遇諸佛間無空缺設無佛時遇辟支佛無辟支佛恒遇仙人爲說正道佛告阿難汝今持是境界念想爲未來世一切衆生當廣宣說是名諸佛神通境界若失此事則名謗佛斷菩提種持是法者鬼魅不著恒爲諸佛之所護助佛告阿難云

何名如來到那軋訶羅國古仙山瞻蔔華林
毒龍池側青蓮華泉北羅刹穴中阿那斯山
巖南介時彼穴有五羅刹化作龍女與毒龍
通龍復降雹羅刹亂行飢饉疾疫已歷四年
時王驚懼禱祠神祇於事無益召諸呪師令
呪毒龍羅刹氣盛呪術不行王作是念得一
神人驅此羅刹降是毒龍惟除我身其餘無
惜時有梵志聰明多智白言大王迦毗羅城
淨飯王子其生之日萬神侍御七寶降瑞阿
私陀相處國當爲轉輪聖王若不樂天下成
自然佛今者道成号釋迦文巨身丈六三十
二相八十種好足躡蓮華項佩日光身相端

嚴如真金山王聞是語心大歡喜向佛生地
自歸作禮若梵志語審實不虛有佛出世名
釋迦文然我相法却後九劫乃當有佛名釋
迦文云何今日佛日已興去何不哀至此國
界空中有聲告言大王汝莫疑佛釋迦牟尼
精進勇猛超越九劫聞是語已復更長跪合
掌讚歎佛通明慧應知我心願屈慈悲光臨
此國尔時香烟至佛精舍如白瑠璃雲繞佛
七帀化作金盖其盖有鈴出妙音聲其聲請
佛請比丘僧尔時如來勅諸比丘諸得六通
者隨從佛後受那軋訶羅王弗巴浮提請摩
訶迦葉徒衆五百化作瑠璃山山上皆有流

泉浴池七寶行樹樹下皆有金牀銀光光化
爲窟摩訶迦葉坐此窟中常坐不卧勅諸弟
子行十二頭陀其山如雲疾於猛風詣古仙
山大目捷連徒衆五百化百千龍槃身爲座
龍口吐火化成金臺七寶牀座寶帳寶蓋及
諸幢幡皆悉備足目連處中如瑠璃人表裏
清徹詣那軋訶舍利弗以神通力化作雪山
白玉爲窟均提等五百沙彌坐七寶窟圍繞
雪山時舍利弗坐白玉窟如黃金人放金色
光其光雜色映耀雪山敷揚大法沙彌聽受
往詣彼國摩訶迦旃延與其眷屬五百比丘
化作蓮華猶如金臺比丘處上身下出水化

爲流泉流諸華間水不滴地上有金蓋弥覆
比丘亦往彼國如是千二百五十大弟子各
有五百比丘作諸神通如舍利弗目捷連等
涌身虛空如鴈王翔往詣彼國尔時世尊著
衣持鉢勅語阿難持屣師壇尔時世尊足步
虛空佛舉足時四天王釋提桓因梵天王無
數天子百千天女遶佛七帀爲佛作禮侍從
佛後尔時世尊放頂金光化作一萬八千諸
大化佛一一化佛復放光明如此頂光亦復
化作一萬八千諸大化佛佛佛相次滿虛空
中如鴈王翔往至彼國始到國界王出奉迎
爲佛作禮尔時龍王見世尊來父子徒黨十

六大龍興大雲雷震吼雨雹眼中出火口亦
吐火鱗甲身毛俱出烟焰五羅刹女現醜惡
形眼如掣電住立佛前時龍王子見虛空中
滿中化佛白其父言父王吐火欲害一佛試
看空中有無數佛時龍吐毒心意猛盛呵責
其子惟有一佛何處有多時金剛神手把大
杵化身無數杵頭火然如旋火輪輪相次
從空中下火焰熱熾猶如融銅燒惡龍身龍
王驚怖無走遁處走入佛影佛影清涼如甘
露灑龍得除熱仰頭視空滿空中佛一一如
來放無數光一一光明無量化佛一一化佛
亦放無數百千光明時諸光中一切皆是執

金剛神奮金剛杵龍見諸佛極大歡喜見諸
金剛極大惶怖合掌恭敬為佛作禮五羅刹
女亦禮如來時諸天子雨曼陀羅華摩訶曼
陀羅華曼殊沙華摩訶曼殊沙華而以供養
天鼓自鳴諸天叉手空中立侍時彼國王眷
屬五千燒衆名香頭面禮佛請佛就座時彼
龍王從龍池出獻七寶牀手擎敷置白佛世
尊惟願救我莫使力士傷害我身今時如來
以梵音聲猶如慈母撫恤嬰兒令彼龍王及
羅刹女受法王化請佛就座今時國王復敷
高牀氍毹毼毼極細軟者張白氍毹真珠羅
網弥覆其上請佛世尊令處繖中今時世尊

舉足欲行佛鹿王踣踣出五光光有五色繞
佛七帀如天妙華化成華帳衆華葉間百千
無數諸化菩薩合掌讚偈有万億音空中化
佛放踣光明亦復如是十六小龍手執山石
霹靂起火來至佛所大衆驚怖入佛光中尔
時世尊出金色臂張合曼掌指網曼間兩大
寶華大衆皆見化成化佛惟諸龍見是金翅
鳥欲搏噬之龍畏金翅走入佛影爲佛作禮
叩頭求救佛至縵中先舉右手從左肩上取左
時阿難即入縵中先舉右手從左肩上取左
師壇時左師壇即復化成五百億金臺七寶
校飾欲敷之時即復化成五百億金蓮華七

貧莊嚴正四角時一角生五百億七寶蓮華
行行相次遍滿繖內尔時世尊就七寶牀結
跏趺坐諸蓮華上皆有佛坐時諸比丘見結
坐已為佛作禮右遶七帀各敷坐具比丘坐
具皆悉化成瑠璃之座比丘就坐時瑠璃座
放瑠璃光作瑠璃窟諸比丘等入火光三昧
身作金色時彼國王見佛神變歡喜合掌遶
佛七帀為佛作禮覩佛神化應時即發阿耨
多羅三藐三菩提心勅諸臣下皆使發心尔
時龍王怖畏金剛大力士故亦發阿耨多羅
三藐三菩提心五羅刹女亦發菩提心尔時
大王為佛及僧欲設中膳佛告大王但辦食

器餘無所須王受佛勅具諸寶器佛神力故
令諸器內天須陀味自然盈滿時諸大衆食
是食已自然得入念佛三昧見十方佛身
量無邊復聞說法微妙音聲其音純讚念佛
念法念比丘僧亦有廣說六波羅蜜三十七
品助菩提法聞是語已倍更歡喜遶佛千帀
尔時國王請佛入城龍王怒曰汝奪我利吾
滅汝國佛告大王檀越先歸佛自知時尔時
國王爲佛作禮逡巡而退尔時龍王及羅刹
女五體投地求佛受戒佛即如法爲說三歸
五戒之法龍王聞已心大歡喜龍王眷属百
千諸龍從池而出爲佛作禮如來應時隨龍

類爲其說法聞法歡喜佛勅目連爲其受
戒尔時目連入如意定即自化身作百千億
金翅鳥王一一鳥王足躡五龍住在虛空時
諸小龍而作是言佛勅和上爲我受戒和上
云何作恐怖像目連告曰汝於多劫不恐怖
中橫生怖想於無瞋恚生瞋恚想於無害所
橫生害想我實是人汝惡心故見我是鳥尔
時龍王以恐怖故自誓不殺不惱衆生以發
善心目連即時還復本身爲說五戒尔時龍
王長跪合掌勸請世尊惟願如來常住此間
佛若不在我發惡心無由得成阿耨多羅三
藐三菩提惟願如來留神垂念常在於此懇

懃三請如是不止時梵天王復來禮佛合掌
勸請願娑伽婆爲未來世諸衆生故莫獨偏
爲此一小龍百千梵王異口同音皆作是請
尔時如來即便微笑口出無量百千光明一
一光中無量化佛一一化佛万億菩薩以爲
侍從時彼龍王於其池中出七寶臺奉上如
來惟願天尊受我此臺尔時世尊告龍王曰
不須此臺汝今但以羅刹石窟持以施我時
梵天王無數天子先入窟中時彼龍王以諸
雜寶以莊校窟佛告阿難汝教龍王淨掃石
窟諸天聞已各脫寶衣覓以拂窟尔時如來
還攝身光卷諸化佛來入佛頂尔時如來勅

諸比丘皆在窟外惟佛獨入自敷坐具敷坐
具時令此石山暫爲七寶時羅刹女及以龍
王爲四大弟子尊者阿難造五石窟尔時世
尊坐龍王窟不移坐處亦受王請入那軋訶
城耆闍崛山舍衛國迦毗羅城及諸住處皆
見有佛時虛空中蓮華座上無量化佛一切
世界滿中化佛龍王歡喜發大誓願願我來
世得佛如此佛受王請經七日已王遣一人
乘八千里魚持諸供具徧一切國供養衆僧
到處皆見釋迦文佛信返白王如來世尊不
但此國餘國亦有餘國諸佛皆說苦空無常
無我六波羅蜜王聞此語廓然意解得無生

心念時世尊還攝神足從石窟出與諸比丘
遊履先世爲菩薩時兩兒布施處投身餓虎
處以頭布施處剗身千燈處挑目布施處割
肉代鴿處如是諸處龍皆隨從是時龍王聞
佛還國啼哭雨淚白佛言世尊請佛常住去
何捨我我不見佛當作惡事墜墮惡道念時
世尊安慰龍王我受汝請坐汝窟中經千五
百歲時諸小龍合掌又手勸請世尊還入窟
中諸龍見佛坐已窟中身上出水身下出火
作十八變小龍見已復更增進堅固道心釋
迦文佛涌身入石猶如明鏡見人面像諸龍
皆見佛在石內映現於外念時諸龍合掌歡

喜不出其池常見佛日尔時世尊結跏趺坐
在石壁中衆生見時遠望則見近則不現諸
天百千供養佛影影亦說法時梵天王各合
掌恭敬以偈頌曰

如來處石窟

涌身入石裏

如日無障礙

金光相具足

我今頭面禮

牟尼救世尊

尔時世尊化作五百寶車佛處車中分身五
百尔時寶車住虛空中迴旋自在車轂輞間
百千光明一一光明無數化佛不動不轉到
迦毗羅城坐師子座如入三昧一毛孔中有
一佛出一毛孔中一佛還入如是出入滿虛
空中無量化佛結跏趺坐是名如來坐時境

界佛滅度後佛諸弟子若欲知佛行者如向
所說若欲知佛坐者當觀佛影觀佛影者先
觀佛像作文六想結加趺坐敷草爲座請佛
令坐見坐了了復當作想作一石窟高一丈
八尺深二十四步清白石想此想成已見坐
佛像住虛空中足下雨華復見行想入石窟
中入已復令石窟作七寶山想此想成已復
見佛像涌入石壁石壁無礙猶如明鏡此想
成已如前還想三十二相相觀之極令明
了此想成已見諸化佛坐大寶華結加趺坐
放身光明普照一切一一坐佛身毛孔中雨
阿僧祇諸七寶幢一一幢頭百千寶幡極

小者縱廣正等如須彌山此寶幡中復有無
數百千化佛一一化佛涌身皆入此石窟中
佛影齋裏此想現時如佛心說如是觀者名
爲正觀若異觀者名爲邪觀佛滅度後如我
所說觀佛影者是名真觀如來坐觀如來坐
者如見佛身等無有異除百千劫生死之罪
若不能見當入塔觀一切坐像見坐像已懺
悔障罪此人觀像因緣功德彌勒出世見彌
勒佛初始坐於龍華樹下結加趺坐見已歡
喜三種菩提隨願覺了去何名觀如來行詣
拘尸那時降諸力士佛告父王如來不久當
於彼國入般涅槃今時五百力士除妨路石

盡力士力不能令去。爾時世尊化作沙門，以手挑石，石飛住空。力士驚怖，此石設墮，走避無所。仰看空石，皆成化佛。猶如金山諸佛，圍遶力士。見已，心大歡喜。時化沙門倚卧樹下，如人晝眠。有日光明從左脇出，如百億日入右脇中。一日中有二寶樹，有大寶牀。諸佛卧上，如是光明徧照十方無量世界。一一世界無量諸佛倚卧樹下，皆有光明從右脇入左脇而出。如是光明變成寶臺。行者悉見十方世界。有一寶臺，此寶臺上有一大佛，身量巨大，與十方等。卧倚臺側。爾時彼佛左脇流水如瑠璃珠，一一寶珠如須弥山，一一山內

百千卧佛一一卧佛出大光明亦如上說右
脇復出萬億乳河流注于下滴滴化或百千
化華華有化佛卧蓮華上各以右手灑甘露
雨令一切衆皆得服食餓鬼衆生見此相時
自然飽滿尔時空中有妙音聲讚四無量心
然後分別空無境界無心心想寂滅境界作
是觀者名觀如來卧觀如來卧者當先觀卧
像見卧像已當作是念佛在世時所以現卧
諸佛如來體無疲倦但爲降伏剛強力士及
諸邪見不善衆生或復慈愍諸比丘故現右
脇卧如來卧者是大悲卧欲觀佛卧當行慈
心行慈心者緣一切衆生見受苦時不惜身

分成熟安樂受苦衆生令得無患大悲心者
見諸衆生受苦惱時如已父母師長善友生
悲哀心淚如猛雨如是等心名爲大悲見他
受樂心生歡喜譬如比丘得第三禪是名爲
喜捨者一切衆生無衆生相作是觀時先觀
自身地大是衆生耶水火風大是衆生耶色
是衆生耶受想行識是衆生耶空是衆生耶
非空是衆生耶如是衆生耶非如是衆生耶
實際是衆生耶非實際是衆生耶有爲空是
衆生耶無爲空是衆生耶如是分別解拈時
不見衆生不得衆生無衆生想心無所著亦
無志求解如是等清淨法者名爲行捨佛告

阿難若有衆生樂觀佛卧者是則真觀清淨
慈定若有衆生聞佛卧法及諸比丘隨順佛
語不壞威儀右脇卧者當知是人著慙愧衣
服忍辱藥如此比丘現世坐禪見十方佛爲
說大法若不坐禪不毀戒故於未來世見十
方佛十方諸佛爲說大法聞法易悟猶如壯
士屈伸臂頌應時即得阿羅漢道三明六通
具八解脫如來卧者饒益衆生以饒益故名
慈悲喜捨此四法者出生諸佛諸菩薩母說
是語已佛於衆中舉身放光前八萬四千左
八萬四千右八萬四千後八萬四千頂八萬
四千是諸毛孔一一孔一毛旋生一一毛端

有百萬億塵數蓮華一蓮華上無量無數微塵化佛諸化佛身高顯莊嚴如千萬億諸須彌山一一佛齋中有五百萬億師子一一師子吐五百萬億諸供養具一一供具有五百萬億七寶華雲一一寶華雲有五百萬億諸偈頌聲雲聲聲相次猶如雨滴今時如來復更明顯八十種好金色光明從白毫出一光明徧照十方化成諸佛是諸世尊行者無數住者無數坐者無數卧者無數是諸化佛說大慈悲說三十七品助菩提法說六波羅蜜說佛如來十力無畏十八不共法此相現時一億諸釋心無所著悟無生忍佛爲授記

於未來世過算數劫當得作佛号三昧勝幢
如來應供正徧知十号具足次第作佛凡有
一億彼佛出時娑婆世界清淨莊嚴猶如聖
主伏幢世界光明佛刹等無有異是諸菩薩
得佛道時國土無有毀禁亂意不善之名純
是菩薩雖有聲聞不誇大乘時諸釋子聞佛
授記心大歡喜各脫瓔珞以散佛上是諸瓔
珞當佛上住化成華樹一一華樹有恒沙華
一一華上有恒沙寶樓一一樓中有恒沙化
佛一一化佛演說八萬四十諸波羅蜜復有
化佛教諸聲聞數息安般流光白骨白骨流
光心淨想心不淨想起結使想滅結使想斷

使支想殺使根想如是諸想九百億塵數如
數息安般說是名聲聞法菩薩法者惟有四
法何等爲四一者晝夜六時說罪懺悔二者
常修念佛不誑衆生三者修六和敬心不恚
以四者修行六念如救頭然

佛告父王如是等名未來世觀佛三昧亦名

分別佛身亦名知佛色相亦名念佛三昧亦
名諸佛光明覆護衆生說是語時天龍夜叉
八部鬼神十三億衆發阿耨多羅三藐三菩
提心自發誓願願於來世常入三昧見佛色
身如今無異

時梵天王釋提桓因無數天子爲佛作禮長

跪合掌白佛言世尊我等今者得見如來色
中上色願當來世濁惡衆生繫念思惟見佛
色身此願不虛我今所說及我所見真實不
虛願令我等及諸天衆猶如佛身作是語特
自見心中百萬光出一一光明化成無量百
千化佛自見己身身真金色猶如難陀等無
有異時諸梵天白佛言如來世雄出現於世
必當利益一切衆生昔如誓願今已得滿天
捨衆生此語不虛故我自見心相境界未來
衆生必當如是想佛真身佛告梵天如汝所
說真實不虛未來衆生但發是念得無量福
身相具足何況憶想佛說是語時淨飯王及

諸釋子比丘尼優婆夷同時俱起禮佛而退
尔時父王還至宮中爲諸姊妹說佛相好千
二百五十姊妹聞佛白毫相心生歡喜除百
萬億那由他生死之罪空中有聲告諸女言
汝聞佛相除諸罪各應發無上三菩提心聞
是語已即見空中無量諸佛見諸佛已亦皆
同時得念佛定
時諸比丘即從坐起敬禮佛足遶佛七匝却
住一面尔時阿難偏袒右肩合掌長跪白佛
言世尊佛說三十二相餘有一相如來云何
不顯說耶尔時世尊勅諸比丘各令還坐
尔時世尊自化左右作五百億寶山一一寶

山有四佛坐四佛此尊讚歎念佛佛即微笑
口五色光舌十四光如此光明化成一佛其
佛齋中流出五水其色各異一一色中有九
億菩薩一一菩薩頂上皆有梵摩尼光光中
皆有恒沙化佛一一化佛齋中出水亦復如
是如是衆水流入佛齋是諸化佛并化菩薩
皆入佛齋是時佛身表裏俱淨過於淨妙勝
瑠璃珠於佛身內有師子座一一師子座如
須弥山一一座上一如來九十億菩薩以
爲侍者是諸菩薩頂上諸佛如須弥山如是
十方無量諸佛齋中出水皆與水俱來入釋
迦文佛齋時諸佛不大釋迦不小釋迦不大

諸佛不小釋迦文佛身內心中有無量佛一
 一佛不相障翳舉身毛孔說念佛法時諸化
 佛各伸右手摩阿難頂汝今善持觀佛三昧
 莫使忘失一心憶念為未來衆生開光明目
 作是語時過去七佛像住立空中各伸右手
 摩阿難頂囑累是事時虛空中有無數光一
 一光中有無數化佛異口同音囑累斯法

觀佛三昧海經卷第七

覆

噤

渠渠飲反又

又

疎

息勇埒

臂

上而

魅

眉二

佩

蒲妹

遁

徒困

恤

思律

毘

能山俞

踣

時軟

博

筮

筮

上音博

叩

音

逡

巡

刻

烏官

下音

博

筮

筮

